



# Kriteriji prihvatljivosti i uslovi za dodjelu grantova za male projekte

## Kriteriji za odobrenje

Sljedeći skup kriterija predstavlja smjernice za donosiocima odluka u njihovoj procjeni mogućeg finansiranja malih projekata:

### Potrebni/neophodni kriteriji

Projekti:

- moraju biti u skladu sa oblastima i ciljevima Strategije saradnje Švicarske 2017-2020. (dostupna na web stranici Ambasade Švicarske);
- moraju biti razvijeni na participatoran način i odražavati jasnu potrebu među odabranim ciljnim korisnicima;
- se ne smiju finansirati isključivo za nabavku opreme ili pružanje konsultantskih usluga;
- se uglavnom moraju odvijati u Bosni i Hercegovini;
- moraju biti relevantni za potrebe krajnjih korisnika;
- moraju pružiti kvalitetne informacije i opisati izvodljivost predloženih aktivnosti u prijavi (podnosilac prijave mora poznavati problem kojim će se projekat baviti, dati opći opis aktivnosti i rezultata koje treba postići, te pokazati usklađenost sa Strategijom saradnje Švicarske);
- ne smiju prelaziti maksimalni traženi doprinos Švicarske od 200.000 CHF koji je ekvivalentno predstavljen u valuti BAM prema kursnoj listi u vrijeme podnošenja projektnog prijedloga. (*Prijave će biti detaljno pregledane uzimajući u obzir korist/učinkovitost troškova predloženih aktivnosti i budžeta, kao i kapacitete podnosioca prijave*).
- moraju prikazati finansijski doprinos podnosioca prijave ili doprinos u naturi (ne manji od 15% ukupnog budžeta u slučaju kada je traženi doprinos Švicarske manji od 150.000 CHF, i 20% ukupnog budžeta za doprinose koji su jednaki ili prelaze 150.000 CHF), s mogućnošću jasnog dokazivanja tog doprinosa ukoliko se projekat odobri (ugovori, plaćanja, računi).
- u slučaju da je traženi doprinos Švicarske jednak ili prelazi 100.000 CHF, eksterna revizija mora biti uračunata u doprinos Švicarske u prijavi projektnog prijedloga.
- ne smiju trajati duže od 18 mjeseci, odnosno nakon 28. februara 2022. godine;

### Dodatni kriteriji za povećanje vrijednosti projekta

Projekti:

- trebaju obuhvatati jedno ili više sljedećih načela: socijalna inkluzija, ravnopravnost spolova, osnaživanje žena i dobro upravljanje, te jasno prikazati kako će se ta načela primjenjivati;
- trebaju podržati uvođenje ili testiranje novih ideja i inovativnih pristupa / omogućiti prilike;
- trebaju promovirati i djelovati na razvoj kapaciteta kao način poboljšanja učinkovitosti na individualnom, organizacionom, mrežnom i većem nivou sistema, potičući učenje, osnažujući one koji su uključeni u izvršavanju svojih funkcija i ostvarivanju razvojnih ciljeva;

- trebaju istražiti nova partnerstva za mogući budući angažman u okviru Programa saradnje Švicarske;
- trebaju uzeti u obzir održivost rezultata.

### ***Kompetentnost, pouzdanost i doprinos korisničke organizacije/podnosioca***

Partnerske organizacije:

- moraju biti registrirane u BiH, imati odgovarajuću organizacijsku strukturu i dobru finansijsku evidenciju;
- moraju dostaviti reference sa projekata koji su završeni ili se provode, ukoliko su dostupne;
- moraju pokazati da posjeduju znanje i kapacitete za provođenje predloženih aktivnosti.

Svaka organizacija ili institucija može dobiti sredstva samo za jedan projekat u trenutnoj fazi. Podnosilac prijave će finansijski ili u naturi doprinijeti realizaciji projekta.

### ***Kriteriji za isključenje***

Raspoloživa sredstva za male projekte neće se koristiti za finansiranje:

- studijskih putovanja u inostranstvo;
- privatnih poslovnih poduhvata i komercijalnih aktivnosti;
- pojedinaca;
- stipendija;
- humanitarnih akcija, vjerskih aktivnosti i sponzorstva;
- infrastrukture, opreme, kupovine vozila;
- aktivnosti planiranja i evaluacije;
- dodatnih aktivnosti u velikim projektima u kojima doprinosi Švicarske ne bi bili vidljivi;
- tekućih troškova javnih institucija ili državnih organa, uključujući plate javnih službenika;
- druge faze prethodno provedenog malog projekta.

### ***Izveštavanje***

Korisnici grantova moraju podnijeti operativni i finansijski izvještaj u roku od 30 dana od završetka projektnih aktivnosti. Projekti sa doprinosom Švicarske jednakim ili većim od 20.000 CHF koji su ekvivalentno predstavljeni u valuti BAM (prema kursnoj listi u vrijeme podnošenja projektnog prijedloga) moraju dostaviti svoje izvještaje na engleskom jeziku, te će se od njih zahtijevati da podnesu i prijelazni izvještaj. Izvještaji partnera za implementaciju prema ambasadi (na osnovu dostavljenih obrazaca) uključuju operativne i finansijske elemente; oni će posebno izvještavati o očekivanim rezultatima kako je definirano u odgovarajućem projektnom dokumentu, te izvještavati o promjenama u kvalitativnom (tj. narativnom) i kvantitativnom smislu. Finansijski izvještaj treba da sadrži i predoči kopije svih pratećih dokumenata (račune, priznanice, ugovore i sl.) u odnosu na odgovarajuće stavke u budžetu koje su priložene u sklopu prijave, uključujući doprinose podnosioca prijave i druge donatorske doprinose.